

ՀԱՇՎԵՏՎՈՒԹՅՈՒՆ

2025 Թ. ՀՈՒԼԻՍԻ 16-ԻՑ 18-Ը ԲՈՒԼՂԱՐԻԱՅԻ ՀԱՆՐԱՊԵՏՈՒԹՅՈՒՆ (Ք. ՍՈՖԻԱ)

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

1. ԳՈՐԾՈՒՂՎԱԾ ԱՆՁ

Վարդան Կոստանյան, ՀՀ ՏԿԵՆ նախարարի տեղակալ

2. ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ

Բուլղարիայի Հանրապետություն (ԲՀ), ք. Սոֆիա, 2025 թվականի հուլիսի 16-ից 18-ը

3. ՀՐԱՎԻՐՈՂ ԿՈՂՄԸ

Բուլղարիայի Հանրապետության կառավարություն

4. ԳՈՐԾՈՒՂՄԱՆ ՆՊԱՏԱԿԸ

Մասնակցություն Հայաստանի Հանրապետության և Բուլղարիայի Հանրապետության միջև տնտեսական և գիտատեխնիկական համագործակցության հարցերով միջկառավարական հանձնաժողովի իններորդ նիստին:

5. ՔՆՆԱՐԿՎԱԾ ԹԵՄԱՆԵՐԸ՝

Հայաստանի Հանրապետության և Բուլղարիայի Հանրապետության միջև տնտեսական և գիտատեխնիկական համագործակցության հարցերով միջկառավարական հանձնաժողովի իններորդ նիստին քննարկվել են երկու երկրների միջև տեխնոլոգիական, ներդրումային և գիտահետազոտական համագործակցության խորացման հնարավորությունները, համատեղ ծրագրերի իրականացումը բարձր տեխնոլոգիաների և նորարարության, տրանսպորտային և ենթակառուցվածքային ոլորտում: Հանդիպմանը կողմերը քննարկել են Հայաստանի Բուլղարիա միջև տնտեսական, արդյունաբերական և բարձր տեխնոլոգիական ոլորտներում համագործակցության ընդլայնման հնարավորությունները, Հայաստան-Բուլղարիա երկկողմանի հարաբերությունների ընթացքը, տարածաշրջանային և միջազգային վերջին զարգացումները:

6. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Հանդիպումներ են կայացել Բուլղարիայի փոխվարչապետ Աթանաս Ջաֆիրովի, Բուլղարիայի էկոնոմիկայի և արդյունաբերության նախարար Պետար Դիլովի, Բուլղարիայի

փոխվարչապետ, տրանսպոնտի և կապի նախարար Գրոզդան Կարաջովի և Բուլղարիայի փոխվարչապետ, նորարարությունների և աճի նախարար Տոմիսլավ Դոնչևի հետ: Հանդիպումների ընթացքում կողմերը կարևորել են Հայաստանի և Բուլղարիայի միջև հարաբերությունների զարգացումը՝ առանձնացնելով տրանսպորտի և ենթակառուցվածքների, կապի, հեռահաղորդակցության և փոխադարձ հետաքրքրություն ներկայացնող այլ ոլորտներում համագործակցությունը շարունակելու պատրաստակամությունը:

7. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ


Հանդիպման ընթացքում ստորագրվել է «Հայաստանի Հանրապետության կառավարության և Բուլղարիայի Հանրապետության կառավարության միջև միջազգային ավտոմոբիլային ուղևորափոխադրումների և բեռնափոխադրումների մասին» 2019 թվականի հոկտեմբերի 28-ին ստորագրված համաձայնագրի մեջ փոփոխություններ կատարելու մասին արձանագրություն:

8. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՅՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ՝ ՁԱԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Բուլղարիայի փոխվարչապետ, տրանսպոնտի և կապի նախարար Գրոզդան Կարաջովը պաշտոնապես հրավիրել է Տարածքային Կառավարման և ենթակառուցվածքների նախարար Դավիթ Խուդաթյանին մասնակցելու «Խաչմերուկ բոլոր ուղղություններով՝ Սևծովյան տարածաշրջանը որպես տրանսպորտային միջանցքների ռազմավարական բաղադրիչ» խորագրով նախարարական համաժողովին: Նախարարական համաժողովին կքննարկեն ենթակառուցվածքային և ներդրումային հնարավորությունները, ինչպես նաև ռազմավարական կարևոր միջանցքներում ապագա զարգացման արդյունավետ կառավարման համար համատեղ կայուն լուծումներ գտնելու հնարավորությունները: Համաժողովը տեղի կունենա սույն թվականի սեպտեմբերի 18-ից 19-ը Բուլղարիայի Սոֆիա քաղաքում:

ՍՏՈՐԱԳՐՈՒԹՅՈՒՆԸ, ԱՄՍԱԹԻՎԸ

21.07.2025թ.

A handwritten signature in blue ink, consisting of stylized, flowing cursive letters.